



Na osnovu Zaključka Skupštine Kantona Sarajevo broj 01-05-27771/13 od 13.11.2013. godine i člana 6. stav 3. Uredbe o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo („Službene novine Kantona Sarajevo“, broj 33/11, 3/12-Ispravka, 37/13 i 16/14), ministar za boračka pitanja Kantona Sarajevo raspisuje

## **JAVNI POZIV**

### **za finansiranje/sufinansiranje projekata pružanja pravne i druge pomoći u korist osumnjičenih i optuženih bivših pripadnika Armije BiH, u predmetima ratnih zločina do pravosnažnosti presude, za 2016. godinu**

Ministarstvo za boračka pitanja Kantona Sarajevo u okviru predviđenih sredstava za finansiranje/sufinansiranje pravne pomoći u korist branilaca Bosne i Hercegovine u Budžetu Kantona Sarajevo za 2016. godinu, a na osnovu Zaključka Skupštine Kantona Sarajevo kojim se daje podrška i obaveza Ministarstvu za boračka pitanja Kantona Sarajevo da u skladu sa zakonskim ovlaštenjima i drugim mogućnostima, u okviru predviđenih sredstava za finansiranje pravne pomoći u korist branilaca BiH u Budžetu Kantona Sarajevo, pruži sve vrste pomoći osumnjičenim i optuženim bivšim pripadnicima Armije BiH u predmetima ratnih zločina do pravosnažnosti presude, kao i članovima njihovih porodica, **poziva fondacije koje su registrovane za navedenu vrstu djelatnosti da apliciraju sa projektima u cilju pružanja pravne, finansijske i druge pomoći u korist gore navedenih lica.**

**I** Pravo učešća po ovom Javnom pozivu imaju fondacije koje su registrovane za pružanje pravne i druge pomoći osumnjičenim i optuženim bivšim pripadnicima Armije BiH u predmetima ratnih zločina do pravosnažnosti presude, kao i članovima njihovih porodica.

**II** Fondacije podnose pismene zahtjeve za finansiranje/sufinansiranje iz Budžeta Kantona Sarajevo za realizaciju projekata pružanja pravne i druge pomoći u korist osumnjičenih i optuženih bivših pripadnika Armije BiH u predmetima ratnih zločina do pravosnažnosti presude kao i članovima njihovih porodica, a iz kojih se vidi ispunjenost kriterija.

**III** Kriteriji za finansiranje/sufinansiranje kandidovanog projekta

Opći kriteriji su:

1. Registracija fondacije na bilo kojem nivou vlasti u Bosni i Hercegovini;
2. Pored osnovnih registrovanih djelatnosti za projekte u cilju pružanja pravne, finansijske i materijalne pomoći licima iz tačke I ovog Javnog poziva fondacija se treba baviti i drugim projektima koji će obezbijediti predispozicije za efikasniju odbranu bivših pripadnika Armije BiH u predmetima ratnih zločina;
3. Program rada za 2016. godinu sa obrazloženjem;
4. Finansijski plan za 2016. godinu;
5. Izvještaj o urednom finansijskom poslovanju (bilans stanja, bilans uspjeha i narativni izvještaj za prethodnu godinu);
6. Broj lica koja učestvuju u realizaciji projekata.

#### Posebni kriterij:

-Vrednovanje kvaliteta kandidovanog projekta a koji se obavezno odnosi na pružanje pravne, finansijske i druge pomoći u korist osumnjičenih i optuženih bivših pripadnika Armije BiH u predmetima ratnih zločina do pravosnažnosti presude, kao i članovima njihovih porodica.

#### IV Dokumentacija koja se treba dostaviti uz zahtjev:

1. Popunjen obrazac za aplikaciju za finansiranje/sufinansiranje projekta, koji sadrži: naziv projekta, opis problema/potreba, kratak opis projekta, ciljevi, ciljne grupe, plan realizacije projekta, trajanje projekta, osoblje i budžet;
2. Rješenje o registraciji fondacije;
3. Uvjerenje iz registra fondacija izdato u vrijeme podnošenja zahtjeva;
4. Uvjerenje o poreskoj registraciji – identifikacioni broj;
5. Uvjerenje o izmirenim poreskim obavezama;
6. Uvjerenje o izmirenim porezima i doprinosima za zaposlenike, ukoliko ima zaposlenika (Fondacija koja nema uposlenih i nema neizmirenih obaveza može dostaviti izjavu da nema uposlenih i neizmirenih obaveza ovjerenu od strane nadležnog organa);
7. Bilans stanja i bilans uspjeha za prethodnu kalendarsku godinu, ovjereni od strane nadležne ustanove, sa narativnim izvještajem;
8. Program rada i finansijski plan za 2016. godinu (ukratko).

V Pravo učešća na ovom pozivu nemaju fondacije koje nisu dostavile narativni i finansijski izvještaj o utrošku sredstava sa odgovarajućom dokumentacijom za programe i projekte realizovane u prethodnom periodu, odnosno nisu dostavile pravdanja za sredstva iz Budžeta Kantona Sarajevo, razdjel Ministarstva za boračka pitanja, dobivena u prethodnom periodu po osnovu namjene koja je predmet ovog Javnog poziva.

VI Projekte koji se kandiduju treba obrazložiti u skladu sa podacima sadržanim u Obrascu za prijavu projekata za finansiranje/sufinansiranje iz Budžeta Kantona Sarajevo (OBR.7.3-02-01/01), koji se može naći na web stranici Ministarstva za boračka pitanja ([www.mbp.ks.gov.ba](http://www.mbp.ks.gov.ba)).

VII Visinu sredstava za namjenu po ovom Javnom pozivu utvrđuje Ministarstvo za boračka pitanja na osnovu usvojenog Budžeta Kantona Sarajevo za 2016. godinu.

VIII Proceduru razmatranja zahtjeva po ovom Javnom pozivu provodi Komisija koju imenuje ministar za boračka pitanja. Uzimajući u obzir opravdanost zahtjeva, kvalitet kandidovanih projekata, ispunjenje ostalih navedenih kriterija (na osnovu dostavljene dokumentacije), kao i mogućnost finansiranja/sufinansiranja u odnosu na planirana budžetska sredstva za ove namjene, Komisija će sačiniti prijedlog projekata za finansiranje/sufinansiranje za 2016. godinu.

IX Za odobrene projekte Odlukom ministra će se, zavisno od dužine trajanja projekta i njegovog obuhvata, utvrditi jednokratno finansiranje/sufinansiranje ili finansiranje/sufinansiranje u tranšama. Za projekte za koje se Odlukom ministra za boračka pitanja utvrdi jednokratno finansiranje/sufinansiranje, rok za dostavu izvještaja o namjenskom utrošku sredstava sa odgovarajućom dokumentacijom je 15 dana od dana okončanja projekta.

Za projekte za koje se utvrdi finansiranje u vidu tranši Ministarstvo za boračka pitanja od korisnika može zatražiti da dostavi izvještaj sa odgovarajućom dokumentacijom o namjenskom utrošku sredstava iz prethodne tranše kao uslov za narednu tranšu.

X Sredstva odobrena po osnovu ovog Javnog poziva se moraju iskoristiti namjenski za realizaciju odobrenih kandidovanih projekata, pri čemu se korisnik sredstava mora pridržavati važećih zakonskih propisa.

**XI** Zahtjevi sa potrebnom dokumentacijom se dostavljaju na adresu: Ministarstvo za boračka pitanja Kantona Sarajevo, ulica Reisa Dž. Čauševića br. 1, 71000 Sarajevo, putem pošte ili ličnim podnošenjem putem pisarnice Kantona Sarajevo.

**XII** Rok za podnošenje prijave po ovom Javnom pozivu je 15 dana od dana objavljivanja, odnosno zaključno sa 01.03.2016. godine.

**XIII** Nepotpune i neblagovremene prijave neće se uzimati u razmatranje. U opravdanim slučajevima, uz saglasnost ministra za boračka pitanja, u razmatranje mogu ući i zahtjevi koji se predaju nakon predviđenog roka.

**XIV** Javni poziv i pomenuti obrazac za prijavu projekata (OBR.7.3-02-01/01) se mogu naći na web stranici Ministarstva za boračka pitanja Kantona Sarajevo ([www.mbp.ks.gov.ba](http://www.mbp.ks.gov.ba)). Sve eventualno potrebne informacije se mogu dobiti na telefon 033/ 562-008.

Broj: 06-14-4072/16  
Sarajevo, 12.02.2016. godine



web: <http://mbp.ks.gov.ba>  
e-mail: [minbopi@ks.gov.ba](mailto:minbopi@ks.gov.ba)  
Tel: + 387 (0) 33 562-012, Fax: + 387 (0) 33 562-251  
Sarajevo, Reisa Džemaludina Čauševića 1

